

Oqaasertaliussat.

Sallunaveeqqusiussanut inaarutaasumik erhvervsstøtteudvalgimit nalunaarutigineqarsimasunut tunngatillugu sallunaveeqqusiussat 31.12.1985-imi katillugit 261,1 mio. kruuniupput. Erhvervsstøtteudvalgip sallunaveeqqusiussanut nutaanut sinaakkusiussai 1986-imi 93,4 mio. kruuniupput 1987-imilu 93,4 mio. kruuniullutik.

Naalackersuisut piginnaatinneqassapput inatsisartut akuersissutinut irtatsisaanni missingersuutinut amigartoorutaanni matussutissanut aamma aningaasaatit nikerarnerisa sillimaffigineqarnissaannut taarsigassarsinissamut.

Taarsigassarsinermut atatillugu naalackersuisut Namminersornerullutik Oqartussat pigisaat nalillit sallunaveeqqusiussinnaavaat.

Naalackersuisut taarsigassarsisinnaanermut, tassunga ilanngullugu taarsigassarsiarisimasat qitiusumik nalunaarsorneqartarnissaannut, maleruagassat erseqqinnerusut aalajangersassavaat.

Imm. pingaarnermut 24-mut

Nr. 1

Naalakkersuisut piginnaatinneqassapput KNI-mi atorfilinnut (tjenestemandit) ataasiakkaarlugit sukumiinerusumik misissuiffigereernerisa kingorna taarsigassarsisitsisinnaanissamut, nammineerluni qinnuteqaatiginngisamik nuunnermi inigisamut akiliuteqartussaattillugit imaluunniit suliffigilikkaminni nutaami inissiamik tigusinermut atasumik inigisamut akiliummik siumoortumik akiliisussaattillugit. Taarsigassarsiat taaneqartut, ataasiakkaarlutik 10.000 kr.-nit anginerusinnaanngitsut, tunniunneqartassapput tungavissat tjenestemandinut siumoortumik aningaasarsisitsisarnermi atorneqartartut naapertorlugit.

Taamatuttaaq Naalakkersuisut piginnaatinneqassapput tjenestemandi inigisamut akiliummi ilaanik imaluunniit inigisamut tigusinermut siumoortumik akiliummi ilaanik, inigisap qimanneqarnerani akiligassanngortunik akiliisinnaajunnaarpat, taarsigassarsiap sinnera taanna tamakkiisumik ilaannakortumilluunniit isumakkiissallugu, tamanna pissutsit immikkut illuinnartumik patsisissagartippassuk.

Maleruagassat qulaani taaneqartut aamma KNI-mi atorfilinnut tjenestemandiunngitsunut atortuutinneqarsinnaapput.

Nr. 2

Naalakkersuisut piginnaatinneqassapput timmisartortartunut allamiunut, ilisimatuujuussuseq atorlugu ilisimassarsiorturnut allanullu akiligassarsisitsininissamut, ataasiakkaarlugit naliliiffigineqarnerisigut tamanna pissusissamisoortutut isigineqaraangat.

Nr. 3

Naalakkersuisut piginnaatinneqassapput naatsorsuutini Kalaallit Nunaanni isertitanik aningaasartuutinillu inissiissalluni ukiumut aningaasaliissuteqarfiusumut aningaasat natsorsuutigineqartut atorlugit. Aningaasat naatsorsuutigineqartut taakku ukiumi tullemmi iluarsii-
vigineqassapput, inaarutaasumik naatsorsuutit suliarineqareerpata.

Nr. 4

Naalakkersuisut piginnaatinneqassapput, pissutsit tamanna ajornartinngikkaangassuk, Kalaallit Nunaannut Kalaallit Nunaanniit Kalaallillu Nunaanni akeqanngitsumik angalatitsinissamut.

Nr. 5

Naalakkersuisut piginnaatinneqassapput, pissutsit tamanna ajornatinngikkaangassuk, KNI Kalaallit Nunaanniittoq akilersugassarsisitsisimaatissallugu.

Nr. 6

Naalakkersuisun piginnaatinneqassapput, pissutsit tamanna ajornartinngikkaangassuk, nioqqutissanit tunni-
ussanit inuutissarsiortunut, tamatumunnga ilaallutik aalisartut, piniartut savaatillillu Kalaallit Nunaanniittut kiisalu Kalaallit Nunaanni kommunenut, suliffe-
qarfinnut kattuffinnullu akiitsoqartitsinissamut.

Imm. pingaarnermut 25-mut

Nr.1

Naalakkersuisut piginnaatinneqassapput Kalaallit Nunaanni isertitat aningaasartuutillu naatsorsuutini ilanngutissallugit, aningaasat ukiuannut aningaasartassaritinneqartutut missingersuussat naapertorlugit. Aningaasartassaritinneqartutut missingersuussat taakku tamatuma kingorna ukiuni tulliuttuni, inaarutaasumik naatsorsuutit suliarineqareeraangata iluarsineqartassapput.

Nr. 2

Naalakkersuisut piginnaatinneqassapput, pissutsit tamanna ajornartinngikkaangassuk, Kalaallit Nunaannut Kalaallit Nunaanniit Kalaallillu Nunaanni akeqanngitsumik angalatitsinissamut.

Nr.3

Naalakkersuisut piginnaatinneqassapput timmisartortartunut allamiunut, ilisimatuujussuseq atorlugu ilisimassarsiorturnut allanullu akiligassarsisitsinissamut, ataasiakkaarlugit naliliiffigineqarnerisigut tamanna pissusissamisoortutut isigineqaraangat.

Nr. 4

Naalakkersuisut piginnaatinneqassapput, pissutsit tamanna ajornartinngikkaangassuk, GTO Kalaallit Nunaanniittoq akilersugassarsisitsinissamutissallugu.

Nr.5

Naalakkersuisut piginnaatinneqassapput, pissutsit tamanna ajornartinngikkaangassuk, nioqqutissanit tunniussanit inuutissarsiorturnut, tamatumunnga ilaallutik Kalaallit Nunaanni aalisartut, piniartut savaatillillu kiisalu kommunenut, suliffeqarfinnut kattuffinnullu akiitsoqartitsinissamut.

Imm. pingaarnermut 69-imut

Nr. 1

Naalakkersuisut piginnaatinneqassapput aningaasartuuteqarnissamut, tillinniarnernik, ikuallattoornernik imaluunniit illut, pigisat, allallu allatut ajoqusernerinik pissuteqartunut. Tamakkununga ilaanngillat kiliisaatit aamma Kalaallit Niuerfiata umiarsuaatai.

Nr. 2

Atuarfiit illutaasa ajoqusernerisa, tassani eqqaassanngikkaanni aserorterinikkut ajoqusernerit, sillimmaser-nissaannut akisussaaffik Namminersornerullutik Oqartus-sat tigugallarsimavaat, ajoqusernernut ataasiakkaanut kommunep nammineq akisussaaffigissallugit nalinginnaa-sumik 85.000 koruunit.

Nr.3

Naalakkersuisut landskassemik piginnaatinneqarput sulitilluni ajoquseriataarsinnaanermut sillimmasiisarnernut inatsimmi maleruagassat naapertorlugit atuartut ilit-sersorneqartariallilluunniit allat sungiusarluni sulirtermut allatulluunniit inuutissarsiutinut tunngasunik siunertaqartunik aqqissuussanut atatillugu ajoquser-nernut taarsiissuteqarnissamut, kiisalu ilitersortari-allit tamakkua sungiusarnerminnut imaluunniit taamaaqa-taannik aqqissuussinernut atatillugu ajoqusigaannut, taarsiissuteqarnissamik maleruagassat nalinginnaasut naapertorlugit akisussanngortitaaffigisinnaasaannut taarsiissuteqarnissamut.

Imm. pingaarnermut 80-imut

Nr.1 Nunamut tamarmut akileraarutinut procenti atu-gassaq, tak. inatsisartut inatsisaat nr. 5 19. maj 1979-imeersoq, § 27, imm. 2, 1987-imut 7-imut aalajangerneqarpoq.

Nr. 2 Nunamut tamarmut akileraarutinut immikkut ittu-nut procenti atugassaq, tak. inatsisartut inatsisaat nr. 5 19. maj 1979-imeersoq, § 29, imm. 2, 1987-imut 23-mut aalajangerneqarpoq.

Nr. 3 Kulbrinteni qalluinermit atatillugu isertitat akileraarutigineqarnissaannut 1987-imut 25% aalajangi-unneqarsimavoq, tak. Kalaallit Nunaanni kulbrinteni qalluinermit atatillugu isertitat akileraarusersorneqarnerat pillugu inatsisartut inatsisaanni § 5, imm. 1 aamma 2.

Imm. pingaarnermut 81-imut

Nr. 1 Iluanaarutinit akileraarutinut procenti atugas-saq, tak. inatsisartut inatsisaat nr. 5 19. maj 1979-imeersoq, § 30, imm. 2, 1987-imut 35-mut aala^angerneqarpoq.

Imm. pingaarnermut 82-imut

Nr. 1 Inuutissarsiutigalugu aalisarneq, piniarneq aallaaniarnerlu pillugit inatsisartut inatsisaanni nr. 11-mi 21. november 1984-imeersumi kingorna allannguuteqartinneqartumi § 10, imm. 3 naapertorlugu angallatit kinguppanniutit 80 Brt taannalu qaangerlugu angissusillit kinguppattaminnut suliarineqaratik Kalaallit Nunaanni nioqqutissiorfinnut tunineqanngitsunut 1987-imi kg-mut 2,00 kruuninik akitsuusiiffigineqassapput.